

Fautuaga mo le faaaogaina o Wi-Fi i nofoaga lautele ma le saogalemu

E mafai e tagata leaga ona faaseeinna oe ile tafa'ilagi. Faitau i lalo mo fautuaga e manatu iai afai e manaomia ona e faaaogaina le Wi-Fi i nofoaga lautele.

I le tali atu ile pispisia ole faama'i ole Coronavirus ma le tapunia o pisinisi ma faletusi, ole toatele o tatou ua faateleina le taimi e alu i luga ole tafa'ilagi. O le i'uga, e ono manaomia ona fa'aaoga le Wi-Fi ile lautele ina ia sao atu ile tafa'ilagi. Afai e te manaomia ona e faaaogaina se Wi-Fi i nofoaga lautele, faamolemole ia manatu i nei fautuaga mai le Ofisa a le Ta'ita'i o Puipuiga a le setete e fesoasoani ile puipuia o ou faamatalaga:

1. Faamautinoa ua e fa'aaoga le fesoota'iga sa'o.

Ia mautinoa o loo e fa'aaoga le fesoota'iga sa'o. E mafai e tagata leaga ona faia ni fesoota'iga e foliga mai e leai se afaina ona ole igoa ae o lo'o e fesoota'i atu ise tulaga ua fuafuluina e iloilo ina mea o loo e faia luga le tafa'ilagi. O lona uiga afai e te tuu iai lou suafa ma le upu pasi i se nofoaga ile tafa'ilagi, e mafai e le tagata leaga ona iloa atu ou faamatalaga. Ina ia puipuia mai lea tulaga, faitau le igoa ole laina fesoota'i ma le faaeteete ma pe a mafai, fesili i se tagata galue pe saili ni faailoga ole pisinisi ina ia faamautinoa o lo'o talafeagai le fesoota'iga.

O fesoota'iga lauiloa, pei o ia e faaaogaina i fale kofe, e ono le soona popole iai ona o lo'o puleaina le kamupani le fesoota'iga e avea ma tautua i le latou pisinisi. O fesoota'iga lauiloa e masani ona saogalemu nai lo Wi-Fi e faaaoga fua ia e te'i a ua iloa atu i lou telefoni i nofoaga lautele.

2. Tape ese le otometi ona ulu atu i fesoota'iga.

E tele mea totino (telefoni, komepiuta feavea'i, ma tama'i komepiuta) e iai le otometi ona ulu atu i fesoota'iga. O lenei tulaga e faafaigofie ai lou ulu atu i fesoota'iga e latalata ane. E le afaina lea tulaga i fesoota'iga maufaatuatuaina, ae e mafai foi ona ulu atu i fesoota'iga e le saogalemu. E mafai ona tape ese lea tulaga i faatulagana o lou meatotino. Ia tu'u pea le tape ese, ae maise pe afai o lo'o e failalaga i nofoaga e te le o masani ai. Mo se puipuiga faaopoopo, e mafai ona e faailogaina le "ia galo le fesoota'iga" pe a uma ona e fa'aaogaina se Wi-Fi lautele.

E ao foi ona e puleaina foi lou Bluetooth a o iai i nofoaga lautele. E mafai e le Bluetooth ona fesoota'i meatotino ma isi mea, ma e mafai e se tagata leaga ona su'eina se fesoota'iga i lou Bluetooth ina ia sao atu i ou meatotino. Ia tape ese lea tulaga i lou telefoni ma isi mea a o e iai i nofoaga e te le o masani lelei iai.

3. Tape ese le faasoaina o faila.

la mautinoa ua e tape ese le faasoaina o faila a o e iai i se Wi-Fi i se nofoaga lautele. E mafai ona tape ese le faasoaina o faila ma faatulagana poo nofoaga puleaina, e fua ile porokalame o loo iai lou komepiuta. Ole AirDrop o se tasi na o faata'ita'iga ole faasoaina o faila e te mana'o ia tape ese. O nisi porokalame faakomepiuta pei ole Windows/PC e otometi ona tape ese le faasoaina o faila ile taimi lava e te filifilia le "lautele" a o e ulu atu i se fesoota'iga lautele mo le ulua'i taimi.

Laasaga e tape ese le faasoaina o faila

I luga o se PC:

1. Alu ile Network ma le Sharing Center.
2. Ona Sui lea le faatulagana mo le faasoatu maoa'e.
3. Tape ese le faasoaina o faila ma le masini lomi tusi.

Mo le Mac:

1. Alu ile System Preferences.
2. Filifilia le Sharing.
3. Aveesea le faailoga mai vaega uma.
4. Sosoo ai lea ile Finder, omi le AirDrop, ma filifili le Faatagaina le iloa atu e nisi: E leai ma Seisi.

Mo le iOS, ia sailia moa le AirDrop i totonu le Control Center ma tape ese atu.

4. Faaaoga le VPN.

la manatu ile faaaogaina le VPN (Virtual Private Network) i lou meatotino. O le VPN o se vaega e sili ona puipuuia ile tafa'ilagi a o e faaaogaina se Wi-Fi mo le lautele. E puipui ou faamatalaga a o pasia atu ma mai lou meatotino ma avea o se "auala" puipuuia ina ia le iloa atu ou faamatalaga a o pasi atu i auala tau fesoota'iga.

5. Lapata'iga a le FBI e uiga i tafailagi puipuuia – HTTPS.

[Ua lapatali le FBI e uiga i](#) nofoaga ile tafailagi e iai tuatusa e amata ile "https." O le iai ole "https" ma le faailoga o se loka e masani ona faailoa ai o faamatalaga e lafo atu ua puipuuia ma e mafai e tagata o loo asiasi atu ona faasoatu faamatalaga i se tulaga saogalemu. Ae peita'i, ua mafai nei e tagata leaga ona fa'aaoga le maufaatuatuaina o tagata lautele e ala ile tosina atu tagata i nofoaga ile tafailagi e na te faaaogaina le https ma faafoliga atu e saogalemu ae ole tulaga moni lava e leai.

Fautuaga ole FBI:

- 'Aua e te faalagolago ile igoa o se imeli: ia fesiligia le autu ole faamatalaga i totonu le imeli.
- Afai e te mauaina se imeli fesiligia e iai se tuatusi luga le tafailagi mai se tasi e te masani iai, ia faamautinoa le feau pe sa'o pe sese e ala ile viliina pe imeli le tagata masani. 'Aua e te tali tuusa'o atu i se imeli fesiligia.

- la siaki mo spelaga e sese poo nofoaga e iai se tuatusi (e.g., pe afai o se tuatusi sa tatau ona i'u ile “.gov” ae o loo faai'uina ile “.com”).
- 'Aua e te faalagolago i se nofoaga ole tafailagi ona o lo'o iai le faailoga ole loka poo le “https” i luga ole tuatusi.

6. E le o fautuaina le iloiloina o faamatalaga ma'ale'ale.

E tusa lava pe iai sou VPN e le fautuaina le iloiloina o faaputuga totino ile faletupe, po o isi tulaga o faamatalaga totino ma'ale'ale pei o numera mo puipuiga faaletagata a o e iai i fesoota'iga lautele e le puipuia. E oo foi i fesoota'iga lautele ua puipuia e mafai ona lamatia ai. Ia fa'aaoga lou faautautaga afai e manaomia ona e iloiloina nei faaputuga i se Wi-Fi mo le lautele. Mo fesoota'iga tautupe, e ono sili atu le fa'aaogaina le fesoota'iga mai lou lava telefoni atamai.

7. Puipuia poo le le puipuia.

E na o le lua lava ituaiga o Wi-Fi ile lautele: e Puipuia pe le puipuia.

I soo se taimi e mafai ia sulu atu i fesoota'iga lautele e puipuia. O se fesoota'iga le puipuia e mafai ona sulu atu iai e aunoa ma se puipuiga pei o se upu pasi poo se faamatalaga ulufale. O se fesoota'iga puipuia e masani ona manaomia se tagata e taliaina faatonuga ma tulaga, resitalaina se faaputuga, poo le faatumuina se upu pasi a o le'i sulu atu i se fesoota'iga.

8. Ia tumau pea le iai o lou firewall.

Afai o e faaaogaina se komepiuta feavea'i, ia faatumauina pea lou firewall a o e faaaogaina le Wi-Fi ile lautele. O le firewall o se puipuiga mo lou meatotino ia 'aua nei sao atu ni porokalame leaga. E mafai e tagata ona tape ese le firewall a le Windows ona o faailoga e oso mai i luma ae galo le toe faaolaina. Afai e te manao e toe amataina ile PC, ia alu atu ile Control Panel, “System and Security” ma filifilia le “Windows Firewall”. Afai o loo e faaaogaina le Mac, ia alu atu ile “System Preferences”, soso'o ai lea ma le “Security & Privacy”, ia ma le “Firewall” faailoga i luga ina ia faaolaina lea tulaga.

9. Ia faaaogaina porokalame e puipuia oe mai vairusi.

Ia faamautinoa ua e faaaoga le polokalame tetee i vairusi e fou i lou komepiuta feavea'i. Emafai e polokalame e tetee i vairusi ona e fesoasoani e puipuia oe a'o e faaaogaina le Wi-Fi i le lautele, e ala i le iloaina o polokalame leaga e mafai ona sao atu i lou komepiuta. O le a iai se faailoga e lapatai atu pe afai e iai vairusi ua sao atu i lou meatotino pe iai ni gaoioiga faaletonu, osofaiga, pe ua sao atu polokalame leaga i lou komepiuta.

10. Ia faaaoga faamautinoaga e vala lua pe vala eseese.

Ia faaaoga faamautinoaga vala eseese (MFA) a'o e ulu atu i le tafa'ilagi ma ou faamatalaga totino. O lona uiga e iai se faailoga faamautinoaga lona lua (e lafo i lou telefoni pe saunia atu se polokalame po se ki faitino) lea atili ona puipuia oe. O lea pe afai e maua se tagata leaga lou faamatalaga ulufale ma upu pasi, ae e le mafai ona latou sao atu i ou faila e aunoa ma se faailoga faamautinoa.

11. Ia tausia ou lava mea totino.

Aua e te tuua lou komepiuta feavea'i, tama'i komepiuta, poo telefoni atamai i se nofoaga lautele po'o le taavale. E tusa pe e te faia le tulaga e puipuia oe i se fesootaiga i le Wi-Fi, ae o le a le taofia se tasi mai le gaoia ou mea totino pe tilotilo i ou faamatalaga. Ia mataala i siomaga ma maitauina tagata e latalata ane.

12. O isi fautuaga puipui i le tafa'ilagi.

O nisi o nei fautuaga e puipuia oe i le tafa'ilagi ae maise pe afai o loo e faaogaina fesootaiga o le Wi-Fi i le lautele:

- Ia faaoga upu pasi malolosi.
- Ia puipui faamatalaga i ou mea totino.
- Ia mataala i imeli e taumafai e maua mai ou faamatalaga totino.
- Ia faaeteete i mea e te faailoa atu i fesootaiga faaletagata. O le tele ou auiliiliga totino e fesoasoani i tagata leaga e taumate lou upu pasi.
- Ia aveesea faamatalaga tuai e te le toe mana'omia.
- Afai e talosagaina se fesootaiga ina ia e faaoga se polokalame poo isi mea faaopoopo aua e te ulu atu iai.
- Ia faamautinoa ua e faaogaina polokalame ma teuteuga fou i ou mea totino e puipuia i tulaga ua iloaina.